


SAINT PAUL HMONG ALLIANCE CHURCH
September – October 2022



S.H.A.P.E SMALL GROUP

NTAWV KAWM

NTU 5: PAUB MEEJ KUV TUG COOJPWM



**NTU 5: PAUB MEEJ KUV TUG COOJPWM
VAAJTSWV NYAM KUAS PEB IB LEEG TXAWV IB LEEJ**

CAUM KUAS CUAG

Koj kawm tau dlaabtsi lug ntawm qhov kws koj sojntsuam koj tej peevxwm? Tej peevxwm kws muab teev ntawd puas paab koj nrhav tau tej yaam peevxwm tshab kws koj muaj hab? Muab ib yaam tshab nuav qha rua koj paab small group.

Koj puas muaj sijhawm moog ntsib koj tug khub ntawm saab ntsujplig? Qhov kws mej tau sis ntsib hab sis thaam ntawd puas ua rua koj pum tej yaam tshab txug koj cov peevxwm tshab kws Vaajtswv muab qha rua koj?

Nwgnuav mej twb sis ntsib tau ib ntus lawm, qha ib yaam kws ib tug ntawm mej paab small group nuav ua tau paab hab txhawb mej paab small group.

NQAI CIM

“Vaajtswv siv ntau tug tuabneeg ua ntau yaam haujlwm nyob rua huv ntau txujkev, tabsis tsuas yog tuab tug Vaajtswv xwb kws ua tav Nwg tej homphaj tav hlo lug ntawm txhua yaam tsaav.”

-1 Kauleethaus. 12:6 (Ph)

SAIB DLAIM VIDEO NTU 4 (SESSION 4)
PAUB MEEJ KUV TUG COOJPWM

Vaajtswv nyam kuas peb ib leeg txawv ib leeg! Tsi muaj ib tug mojyaam kws “yog” lossis “tsi yog”. Vaajtswv yeej yuav siv txhua yaam coojpwm taagnrho le. Vaajtswv tsi ntsuag tuabneeg le peb coobleeg ib txwm ntsuag.

“Vaajtswv tsi saib yaam kws tuabneeg saib. Tuabneeg tsuas saib saab nrau, tabsis Vaajtswv saib huv lub sab.” – 1 Xamuyees 16:7b (NIV)

Tuabneeg nplajteb saib yaam kws nyob saab nrau xws le meejmom, suab npe, hab nyajtxag. Vaajtswv suav yaam kws muaj nqe rua tej yaam kws qhovmuag tsi pum nyob rua huv peb lub neej.

Tug coojpwm kws koj muaj yog ib yaam kws Vaajtswv pub dlawb rua koj. Nwg yog tug kws tsim muaj yaam ntawd hab muab pub rua koj siv kuas Nwg tau koobmeej.

Coojpwm: Tug mojyaam kws ua rua peb ib leeg txawv ib leeg.
-Webster’s Dictionary

Koj tug coojpwm yog yaam kws tseemceeb heev nyob rua huv koj lub neej.

Tswvyim Ntsig Txug Tej Coojpwm

Yaam Tseeb Tag: Vaajtswv twb pub ib tug coojpwm tshwjxeeb nyob rua huv peb txhua tug lawm.

Ob Feem Kev Siv Rua Coojpwm

- 1. Koj coj lecaag nrug lwm tug?
- 2. Koj ua lecaag rua tej lub fww tsaam?

Koj lub homphaj huv Vaajtswv lub tebchaws yog ua rua tuabneeg, yog le ntawd nwg tseemceeb heev le kws koj yuavtsum tau paub saib koj coj lecaag nrug tej tuabneeg kws nyob puagnsig koj. Nyob rua huv koj lub neej nuav koj yuav ua ntau yaam dlejnum. Yog le ntawd, koj yuavtsum totaub saib koj yuav ua lecaag rua tej lub tsaam thawj koj ntsib sub koj txhajle yuav paub xaiv yaam kws zoo tshaaj.

Kuv coj le caag nrug lwm tug:

_____ %
_____ %
_____ %

Kuv ua lecaag rua tej lub fww tsaam:

_____ %
_____ %
_____ %

_____ %

_____ %

Ca le tso cai rua koj tug kheej coj le tug kws Vaajtswv tsim koj!

Xaus Lug : Yaam kws tseemceeb yog yuavtsum paub saib koj coj lecaag nrug rua lwm tug hab ua lecaag rua tej lub fwv tsaam koj ntsib. Xaav txug ob peb yaam dlejum kws koj yuav pib siv koj tug coojpwm lug paab rua lub limtam nuav.

COV LUG NUG RUA KEV SIS THAAM UAKE

1. Koj xaav has tas qhov kws koj tshawb nrhav tau koj tug coojpwm tshwjxeeb kws Vaajtswv muab khi rua koj yuav paab koj ua tav hlo koj lub homphaj nyob rua huv Vaajtswv lub tebchaws?

2. Yog koj muaj lub fwv tsaam lug xaiv qhov kws koj ua tau yaam kws luj tshaajplawg rua Vaajtswv, koj xaav tas qhov ntawd yuav zoo lecaag? Xaav txug tej fwv tsaam kws koj ntsib yaav taag lug – yaam twg ua rua koj muaj kev txaus sab tshaaj plawg?

3. Vim le caag peb pheej xaav has tas muaj tej yaam coojpwm kws “yog” lossis “tsi yog”? Koj pum tau has tas koj tug coojpwm zoo le caag yaav dlhau lug txug nub nuav? Koj puas tau xaav txug ua ntej zaaj kawm nub nuav tas Vaajtswv yeej muaj homphaj kws siv koj tug coojpwm – tas Nwg yeej txhob txwm tsim koj zoo le koj ntaag? Thaum koj tej kev xaav rua koj paab small group.

4. Nwg muaj qaabhau lecaag kws koj paub tas Vaajtswv txhob txwm tsim koj zoo le koj, txawm tas koj yuav yog ib tug kws nquag thaam lossis txaaj muag, kheev has lug lossis nyob twbywm, koomteg lossis sistw? Tej tug tuabneeg tsuas pum tas ib qhov txhajle zoo xwb tabsis Vaajtswv yog tug kws tsim txhua yaam coojpwm vim Nwg yuav siv txhua yaam huv tuabsi le.

5. Peb tej coojpwm nuav yuav ua koobmoov lecaag paab rua lwm tug nyob rua huv peb paab small group nuav? Siv sijhawm lug qhuas txug ib yaam coojpwm ntawm cov kws nyob rua koj paab small group nuav.

UA NEEJ MUAJ HOMP Haj

Pehawm Vaajtswv

Peb yuavtsum ua lubneej kws muaj homphaj, lubneej kws pehawm Vaajtswv yog ib feem kws peb yuavtsum tau ua...Qhov chiv ntawm lub sab kws pehawm Vaajtswv yog qhov kws nwg tso cai rua lub noob zaub kws yog txujkev ntseeg luj hlub zuj zug hab txi taug txiv. Rick Warren tau qha rua kuv tas: "Qhau hlo koj lub neej taagnrho rua Vaajtswv tsuas yog tuab txujkev rua kuv ua neej xwb." Yog le ntawd koj yuavtsum ua koj lub neej kuas Vaajtswv txaus sab rua koj.

-Rick Mucho, The Worship Answer Book, pp. 119, 122.

Tshaaj txhua tsaav yaam xeebceem, peb tug coojpwm yog tug dluab kws qha has tas peb zoo le Vaajtswv. Nwg tsim peb muaj tug yaam ntxwv zoo le Nwg. Yeej tsi muaj leejtwg zoo ib yaam nkaus le Vaajtswv, tabsis peb txhua tug yeej muaj ib feem zoo le Nwg.

1. Koj tug coojpwm muaj feem txhawb koj le caag rua kev pehawm Vaajtswv?

2. Txuas ntxiv rua kev ua Vaajtswv lub luag haujlwm, Vaajtswv yuav siv koj tug coojpwm lecaag ntxiv hab? Qhov kws koj qhau hlo lossis fij taagnrho koj tug coojpwm yog kev pehawm Vaajtswv ntaag? Qha txug ib lub sijhawm kws Vaajtswv tau siv koj rua qhov koj yog koj xwb! Vaajtswv tau koobmeej lug ntawm yaam nuav lecaag?

3. Qhov kws peb tso rua Vaaj Ntsujplig lug nyob rua huv peb hab siv peb lug muab peb ua ib yaam kws lug pehawm Vaajtswv zoo lecaag? Xaav txug saib koj yuav rhais kaujruam lecaag lug muab koj tugkheej lug pehawm Vaajtswv tsi tu tsi su.

THOV VAAJTSWV COJ TXUJ HAUVKEV

Ua Vaajtswv tsaug rua cov coojpwm kws Nwg twb muab pub rua koj. Thov Vaajtswv kuas Nwg paab kuas koj paub siv tej coojpwm nuav nrug Vaaj Ntsujplig lub fwjchim moog hloov kuas zoo hab thov Nwg kuas Nwg qha koj ua lug ntawm tug coojpwm kws yog koj ntaag. Thov kuas Vaajtswv pub lub fwjchim kws lug ntawm qhov kws koj qhau hlo koj lub neej taagnrho rua Vaajtswv.

COJ MOOG UA

Siv sijhawm lub limtam nuav lug sojntsuam koj tug coojpwm lawv le cov lug nug huv qaab nuav. Yog tas ua tau, muab tej kws koj tshawb tau nuav qha rua koj tug khub ntawm saab ntsujplig lossis tug kws paub koj zoo saib nwg puas muaj dlaabtsi ntxiv rua hab. Ca le xaav saib koj yuav siv koj tug coojpwm moog ua Vaajtswv dlejn lecaag ntxiv. Hab ncu ntsoov tas, yeej tsi muaj ib yaam “yog” lossis “tsi yog”, “zoo zog” lossis “phem zog”. Peb txhua tug yeej tshwjxeeb heev le – tsi zoo sis thooj. Vaajtswv yeej tsim peb le ntawd lug ua kuas tav Nwg lub homphaj.

Kuv coj lecaag nrug lwm tug:

Khij lub vujvoog rua lu lug kws qha saib koj coj lecaag nrug lwm tug. Koj tso tug “X” rua huv nruab nraab yog tas ob yaam nuav yuav yog koj huv tuabsi le.

| | |
|-----------------------------|------------------------------------|
| Nquag thaam _____ % _____ | Txaaj muag (Reserved) |
| (Outgoing) | |
| Kheev has lug _____ % _____ | Nyob tuab ywv (Self-controlled) |
| (Self-expressive) | |
| Koomteg _____ % _____ | Sistw (Competitive) |
| (Collaborative) | |

Kuv ua lecaag rua tej lub fwv tsaam:

Khij lub vujvoog rua lu lug kws qha saib koj ua lecaag rua tej lub fwv tsaam. Koj tso tug “X” rua huv nruab nraab yog tas ob yaam nuav yuav yog koj huv tuabsi le.

| | |
|---|---|
| Muaj kev ntshai ntau _____ % _____ | Muaj kev ntshai tsawg (Low risk) |
| (High risk) | |
| Ua nrug tuabneeg _____ % _____ | Ua haujlwm (Project driven) |
| (People driven) | |
| Ua tug caum qaab _____ % _____ | Ua tug thawj coj (Lead) |
| (Follow) | |
| Koom uake nrug lwm tug _____ % _____ | Ua yug tuableeg xwb (Solo) |
| (Team) | |
| Ua le ib txwm ua yaav dlhau lug _____ % _____ | Ua yaam tshab taag moog le (Variety) |
| (Routine) | |

Muab cov nuav coj moog sau rua koj qhov SHAPE Profile.